



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Opera Mystica V. Ac Mystici Doctoris F. Ioannis A Cruce
Primi Religiosi Discalceati Ordinis B. V. M. De Monte
Carmelo Et Seraphicæ Virginis Theresiæ fidelissimi
coadiutoris**

Juan <de la Cruz>

Coloniæ Agrippinæ, 1639

Contra Dæmonem. Ribvs cautelis vti debet quisquis ad perfectionem
aspirat, vt Dæmonis secundi hostis manus effugiat. quo circa notandum
est, intervarias, quas Dæmon vsurpat cautelas, vt personas ...

urn:nbn:de:hbz:466:1-37873

CAVTELA. III.

Tertia cautela summopere tibi necessaria est ad hoc, vt in monasterio cauere scias vniuersa damna circa Religiosos occurrentia. Quam quod plerique non adhibuerint, non solum animæ suæ pacem, ac bonum amiserunt, sed etiam in multa inciderunt, & in dies incidunt mala, & peccata. Hæc igitur sit cautela, vt nimirum caueas omni studio cogitare, & multo magis loqui de his, quæ religiosum aliquem nominatim concernunt, non de illius indole, non de conuersatione, non denique de illius rebus, etiam grauioribus, nec sub prætextu zeli, aut emendationis aliquid dicas alteri, quam ei, cui suo tempore id dicere expedit. Nunquam etiam scandalum patiaris, aut mireris, quidquid demum videas audias: sed animam tuam in obliuione omnium istorum immunè serua. licet enim viuas inter Angelos, dum alios curiosè attendis, multa tibi videbuntur non bona, eo quod illorum substantiam nõ percipias. Quapropter statue tibi exemplum vxoris Loth, quæ quod in Sodomitaram excidio conturbata retrospexerit, quidnam ageretur contemplatura, punitione diuina, in statuam & petram salis conuersa fuit: Vt ex eo intelligas, Dei voluntatem esse, quod licet inter Dæmones viuas, ira tamen te inter illos vi-

uere vult, vt ne quidem ad ipsorum facta cogitationis caput retrovertas, sed ea, tanquam ad te minime pertinentia, omnino relinquant, hoc solum spectando vt animam tuam puram coram Deo conferues, absque eo quod vel minima cogitatio huius vel illius rei idiplum impediatur. Atque adeo illud pro certo habeas, quod nunquam in Conuentibus, & Communitatibus Religiosis deerit offendiculum aliquod, cum Dæmones nunquam desint satagentes deturbare Sanctos: quod & Deus ipse ad illorum exercitium & experimentum permittit. Tu vero nisi, prout dictum est, prospexeris tibi, non secus, ac si non esses in monasterio quantumuis allabores, Religiosus esse non poteris, neque ad sanctam nuditatem, & introersionem peruenire, neque inibi latentia damna subterfugere. Si enim aliter te gesseris, quantumuis optimo fine ac zelo ducaris, siue in vno siue in alio à Dæmone deprehenderis, & sane satis multum ab illo deprehensus es, quoties præbes aditum animæ circa aliquid huiusmodi sese distrahendi. Memento quid dicat S. Iacobus Apostolus: *Si quis putat, (inquit,) se religiosum, esse non refrenans linguam suam, huius vana est religio.* quod non minus de interiori, quam etiam de exteriori lingua intelligendum est.

Contra Dæmonem.

RIBVS cautelis vti debet quisquis ad perfectionem aspirat, vt Dæmonis secundi hostis manus effugiat. quocirca notandum est, inter varias, quas Dæmon vsurpat cautelas, vt personas spirituales

tuales decipiat, ordinariam magisque frequentem esse eam, qua sub specie boni, non verò sub specie mali, eis illudit, optime quippe nouit ille malum manifeste cognitum vix eas admissuras. Idcirco nunquam non debes timere, etiam id quod apparet bonum, tunc maxime, cum illud non præstas ex obedientia. Tutum & sanum erit hac in re illius consilium sequi, à quo illud capere teneris.

CAVTELA I.

SIt itaq; cautela prima aduersus Dæmonem: vt nunquam mouearis ad faciendum aliquid, (quod ex statuto ordinis facere non teneris) quantumuis bonum & charitate plenum videatur cum tibi, tum etiam cuius alteri, intra vel extra claustrum existenti absque præscripto obedientiæ meritum & securitatem tribuentis. Sic enim faciendo, proprietatem vitas, dæmonemque & damna, quæ ignoras subterfugis, de quibus suo tempore Deus à te rationem exiget, quam cautelam nisi diligenter obserues, tum in minimis, tum etiam maioribus, non poteris non decipi à Dæmone siue parum, siue multum, quantumuis rectè te agere arbitrere. licet enim aliud non incurreres nocumentum quam non sequi in omnibus obedientiæ ductum, satis notabile esset, si quidem culpabiliter erras; Deo enim obedientia magis placet, quam sacrificia: porro religiosi actiones non ipsius, sed superioris sunt, quas si ab illo subtraxerit, tanquam infructuosæ, & perditæ requirentur ab eo.

CAVTELA II.

SEcunda cautela sit talis; vt nunquam Prælatum tuum, quicumque ille sit, a-

literaspicias, quam si aspiceres ipsum Deum, quippe qui vice Dei tibi datus est. Nota vero diligenter Dæmonem humilitatis iuratum hostem, hac in re plurimum se ingerere. Cæterum si Prælatum (vti dictum est) intuearis, maximum inde lucrum, & profectum percipies, minus iacturam & detrimentum temensum. Vnde sedulo inuigila, ne illius conditionem attendas, non modum, non artes, non alias ipsius agendi rationes, nam si secus feceris, maximo te damno afficies, diuinam enim obedientiam, pro humana commutabis, solumque ad obedientiam mouebunt vel non mouebunt te modi, & respectus, quos sensibilibus vides in superiore, non vero ipse Deus inuisibilis, cui in persona illius inseruis. & sic obedientia tua vana erit, vel certe eo infructuosior, quò tu vel ob aduersam Prælati conditionem amplius grauaris, vel ob gratam placidamque magis hilares. Equidem dico tibi Dæmonem, dum ad hos Prælati modos attendendos inducit, maximam religiosorum ad perfectionem tendentium multitudinem pellendare: quorum obedientia exigui admodum pretij est coram Deo, eò quod obediendo ad ista oculos suos conuertunt.

B.
Joann
à Cru.

Opera
mystica
NIV
122

Nisi hac in re vim intuleris tibi, ita ut eo vique peruenias, quod tibi perinde sit (quatenus ad tuum priuatum sensum spectat) vtrum is vel ille Prælati locum teneat; nullatenus esse poteris spiritua- lis, neque vota tua fideliter custodire.

CAVTELA III.

Tertia cautela, directe contra dæmonem pugnans, est: ut serio studeas te ipsum iugiter humiliare verbo & opere; de aliorum bonis ita congaudens, sicut de tuis; cupiensque ut in omnibus

rebus illi preferantur tibi, idque sincero corde. qua ratione vinces in bono malo, Dæmonem procul pelles cordisque possidebis læticiam. Et hoc ipsum præstare stude erga illos potius, quibus minus afficeris, quam erga alios: certo tibi persuadens, quod nisi hoc pacto te gesseris, nec ad veram peruenturus charitatem, nec in ea progressus facturus sis. Ama semper doceri potius ab omnibus, quam velle docere etiam omnium minimum.

Contra Carnem & sensualitatem.

Ribus se cautelis muniat oportet, qui de se ipso ac sensualitate propria (quæ est tertius animæ hostis) desiderat reportare victoriam.

CAVTELA I.

PRIMA cautela sit: ut tibi persuadeas alium ob finem ad monasterium te non venisse, nisi ut poliaris, & exagiteris ab omnibus. quare ut subterfugas imperfectiones & inquietudines, quæ circa conditionem & conuersationem Religiosorum possent contingere; utque ex omnibus euentibus fructum percipias; conuenit te cogitare, omnes quotquot sunt in monasterio, esse officiales siue ministros ad exagitandum te missos, sicuti reuera sunt. ab his enim exercendus es verbo, ab illis opere, ab alijs cogitatione aduersum te: in quibus omnibus ita subditus esse debes, quemadmodum imago vel statua sculptori, pictori, & inauratori subijcitur. Quod nisi fideliter obseruaueris, neque propriam sensualitatem ac sensus superare, neque in monasterio cum Religiosis, sicut par est, conuersari, neque sanctam adipisci pacem, nec denique innumera offendicula, & mala deuitare poteris.

CAVTELA II.

SECUNDA cautela sit: ut nunquam facere prætermittas opera ob gustus vel saporis defectum, si ad Dei seruitium illa fieri expediat; neque illa facias ob solam suauitatem & saporem; quem ex illis percipis, nisi forte illa facere expediat æque ac insipida. Etenim nisi hoc efficias, fieri non potest ut animi constantiam acquiras, & superes infirmitatem tuam.

CAVTELA III.

TERCIA cautela sit: quod vir spiritualis nunquam in suis exercitijs debet collimare oculos ad illorum gustum & saporem, ut ei inhaereat, eoque intuitu solotalia exercitia præstare; neque quod in eis amarum est subterfugere; quin imo quod laboriosum & insulsum est, debet inquirere, & amplecti: sicut enim coercetur & frenatur sensualitas. Alias enim, nec amorem proprium superabis, nec Deiamorem lucraberis, vel consequeris.

FINIS.

S E N T